

陳忠裕公全集

五十二冊

陳忠裕公兵垣奏議敘

國家鼎革之際人才常什佰於平治而欽奇磊塊之質負其激昂慷慨之氣務與天忤至於身敗名立雖死而不悔者則豪傑之士往往出焉夫充其一往之志堅持之力雖與之幹元旋機撥亂反正宜無適而不可然而幸而集事必不幸而不能遂其欲而天猶必賦以俊偉之識勵以堅卓之行若唯恐其畏蕙消沮而不能以自顯其人亦若燭見當世之不能用而徼幸於萬一使後世歔歔嘆息悲其無益於國而傷其遇焉則固不知天於當日之天下固已別有所矚而舉一二君子若進而若退者非爲國計而爲其人之身計也明季陳忠裕公崛起於崇禎宏光之間未竟其用而國社已屋卒以身殉當其伏處鄉里文才卓爍又有同社諸子聞聲景附奉公以爲之倡蓋天之玉成公者於此已露其幾而公若遂不得諉其責

也後世重公之行於公詩文諸集搜刻畧備而公前後居給諫之位多所  
匡議世不得盡讀其藁猶以忌諱秘不敢示豈不幸

聖清褒忠易名之典爲不能廓王度哉余蒞松之明年旣聘邑孝廉張君  
錫恭爲融齋學長始出其冊以相告余不敢復祕爲之移貲刻於融齋精  
舍然後公之經濟文章始燦然有以窺其全而庶幾無可憾矣公之舉進  
士也以推官攝吾邑治極有聲而余之守松郡後公二百餘年雖不及被  
公之遺澤而儼然尹公之鄉里遭際平治較公所布施不能求其一似而  
世變之亟若又有甚焉臨文感喟竊以爲天之待一二君子雖不必與其  
遇而不可無其才雖不必善其身而不可忽焉於國於此亦其時矣公之  
鄉里景公之餘行讀公之遺集則所謂雖不能至心嚮往之者宜必有其  
人焉余質性鈍下恐終不能以勉攝篆公鄉不過棋月獨求得此編而永

之於公之懿德粹美初無所加亦不足以舒余矜式之意而公之一鱗一  
爪洎今日而猶待當日之遺民以闡揚之而余適承其乏焉則余固已幸  
矣光緒二十三年三月中旬知松江府事諸暨陳通聲謹序



兵垣奏議目錄

兵科給事中陳子龍著

募練水師疏

中興大本疏

辭營務疏

自強之策疏

京口兵亂疏

直陳禍亂之原疏

名教勵世首務疏

前任考成疏

通敵實出權宜疏

身法要論  
軍機貴密疏

治兵必先足餉疏

恢復有機疏

直糾大貪疏

謹慎名器疏

布置楚豫疏

敵情叵測疏

薦舉人才疏

論蜀中事宜疏

論召對內降疏

郡守治兵疏

襄陽必爭疏

整飭京營疏

諫設廠衛公疏

請納直言疏

補敘浙功疏

請假葬親疏

請申飭巡視職掌疏

論選宮人疏

經筵宜重疏

臣郡役法久弊疏

欣覩旌直之典疏

不全



江防信地疏

不全

特舉異才疏

不全

浙東兵亂疏

闕

直述面語揭

闕

論上流寇勢疏

原注以下係密封下部未梓

東北事機疏

備陳高廟

精進高廟

精進高廟

精進高廟

精進高廟

募練水師疏

題爲臣鄉募練水師共資守禦特請明綸以便責成以示鼓舞事臣一介草茅四載抱牘蒙升南京吏部文選司主事便道還里因臣祖母高氏老病侵尋而臣以子身獨子循例乞恩拜疏終養風塵阻塞未達中朝復蒙先帝特達之知擢置省掖是時寇破恆代漸逼京輦臣妄意聯絡海舟直達津門可資應援因與原任長樂縣知縣夏允彝中書舍人宋徵璧等鼓勵義徒捐資召募忽聞神京淪陷先帝升遐歛血崩心呼號無地恭遇陛下龍飛淮甸定鼎舊京萬姓歸心社稷有主臣伏思君父之仇不可不報中原之地不可不復然必須綢繆戶牖保固江淮以爲中興之根本守江之策莫急水師海舟之議更不容緩幸松江府知府陳亨志切同袍氣雄擊楫多方措置以求成旅適接兵部尙書史可法職方司郎中萬元吉手

書并錄部司移議以江上守禦方殷望此一軍共爲犄角不妨動支正供以俟銷算總之以朝廷之糧養朝廷之兵無分彼此也但船隻器械衣甲火藥事事草創未能猝成臣等共推職方司主事何剛忠勇性成清介絕俗令之專司募練而佐之以原任山陰縣知縣錢世貴舉人徐孚遠李懋廩生張密已經收買沙船三十五隻皆堅緻可用所募沿海材官水卒共一千餘員名內多慣戰之士其製造器甲修船練藥等事則中書舍人董庭都司李時舉生員唐侯等分頭經理一月之內可有就緒其所用錢糧部札所有動支正供之議而該府苦心設處原有北運水腳及義米等項可以扣算夫千人之在長江如雙鳧乘雁不足爲重輕然使江南諸郡各爲門戶之計共集長鬣之徒則萬人亦不難致臣等亦聊盡精衛之心倡怒蛙之氣而已但此舉事從私創未奉明綸恐任事者之權輕則應募者

之情玩愒乞聖明勅下該部專任何剛訓練督率前來江干以資防守則剛益奮迅可以彈壓鼓舞而聞風慕義以圖報稱者源源而至矣又有請者成軍之後本郡所措行月二糧僅支兩月既至江上須爲接濟伏乞并勅計部預行籌畫不至匱乏庶士卒裊藻足濟敵愾伏惟聖明鑒察勅下施行

崇禎十七年六月

日奉旨

闕

華嚴十卷六段

日華旨

賦詩

情猶新  
轉蓬不逐潮  
志烈士平  
風亮  
龍  
麟  
為  
樂  
聖  
門  
題  
泉  
賦  
不  
亦  
知  
軍  
少  
好  
本  
味  
似  
棋  
行  
凡  
二  
林  
給  
支  
兩  
只  
鴻  
臣  
上  
懸  
絲  
猶  
獨  
分  
三  
枝  
願  
益  
齋  
庶  
可  
以  
朝  
聖  
建  
義  
而  
開  
風  
水  
離  
以  
圖  
屏  
赫  
告  
厥  
歌  
而  
臣  
矣  
又  
自  
賦  
之  
前  
哀  
戀  
兮  
空  
因  
恨  
不  
嫌  
消  
事  
封  
何  
備  
惜  
營  
準  
前  
來  
攻  
于  
以  
竟  
的  
官  
原



今夫庶人營千金之產匹夫懷必報之仇久之而卒得如所願者必其生平之志畢萃於是雖造次而不忘也今以天下之大業君父之深仇而非自強不息并日以圖豈能坐而致之哉天下不患事勢之難爲而患我志之未定少康以一成一旅而能光復故業祀夏配天光武起南陽之野不階尺土而奄有六宇永祚四百至於晉元帝宋高宗皆有天下之半狃於苟安昧於遠畧然亦斤斤罔有失德故僅能保有江左此無他志有大小之殊也臣願陛下以少康光武爲法亦無以元帝高宗爲易可矣且無謂東南之人不足與有爲也自古有云南不并北而高皇帝用之遂以荆吳之卒埽清胡塵重光日月況今者中原之民皆我赤子西北士馬多在淮泗又非曩時之比哉廟算既定恢復之機亦不難俟也惟願陛下懷卧薪嘗膽之心日夜以報仇雪恥爲事而凡一切儀文度數且姑置之在廷諸

臣勵枕戈破釜之志日夜以治兵理餉爲急而凡簿書期會之細事異同  
愛憎之勢爭斷不可復尋往轍以妨大計凡封疆之臣必以開疆闢土之  
廣狹爲陞賞之崇卑郡邑之吏必以練兵積粟之多寡爲遷除之遲速是  
舉天下之精神以向賊萃天下之智勇以圖賊也賊安得不滅哉陛下舊  
邦新命事同鼎革亦當如天造草昧之始時時親御戎輅或乘時而省方  
或因遊而勞士翠華所臨士氣百倍不獨於戎機益練而外以震讐敵人  
內以壓服諸將此周宣王所以中興唐肅宗所以滅賊也湯誓曰朕今必  
往蓋言定志也何謂立德臣觀人主之德唐虞三代之英君毅辟其載於  
詩書者多矣而臣以爲近而切者莫要於宋臣司馬光李綱之論光之言  
曰人君之大德有三曰仁曰明曰武仁者非嫗煦姑息之謂也興教化修  
政治養百姓利萬物此人君之仁也明者非煩苛伺察之謂也知道義識



安危別賢愚辨是非此人君之明也武者非彊亢暴戾之謂也惟道所在斷之不疑姦不能惑佞不能移此人主之武也綱之言曰恭儉者人主之常德也英哲者人主之雄材也繼體守文之君則恭儉足以優於天下至於興衰撥亂之主則非英哲不足以當之惟其哲故見善明足以任君子而不爲小人之所間惟其英故用心剛足以斷大事而不爲小故之所搖夫綱之所謂哲卽光之所謂明綱之所謂英卽光之所謂武也當此大難未夷大盜未殄之時惟當堅其志力奮厥威武以誠任賢以權御將還祖宗之舊疆出斯民於湯火如此則仁覆乎宇宙矣此綱所以不言仁而仁在其中也陛下睿哲欽明自然天縱於帝王之德無所不備而臣愚以爲苟有未及者皆可勉而至以理自鏡不爲物役清明在躬志氣如神則是非邪正之來可以曉然而無惑如是則聰明可漸而進矣以義自持不爲